

تورک یوردی

ناشری : تورک یوردی
مدیری : احمد آخایف
اداره مدبری : توفیق نورالدین

ییل ۱۳۳۰ صانی ۱۱ ۲۴ تموز ۱۳۳۰ ییل ۳ جلد ۶ صانی ۷۱

اسلامده دعوی ملیت — باشی کچن صاییده —

ملیت و وحدت قومیه اوزرینه تأسس ایتمش اولان اسلامیت عصیتیه قارشى غلبه چالهرق برمدت عربلری شعوری بروجدان ملی اطرافنده طوپلامقله عرب دهاسنه عظیم برساچه آچدی ایله ده — مع الأسف عصیت بلاسنی تماماً قالدیرامه دی . حضرت رسول اکرم واصحاب کرام شو بلایه قارشى ایکی درلو سلاحله مجادله ایدیوردیلر . بریسی « تلقینات » دیکری « قوت » . برطرفدن آیات کریمه نصایح و مواعظ، دیکر طرفدن ، جهاد بو انیه نك حصولی ایچون استعمال اولنان وسیله لر ایدی . فقط خصوصیت ، عصیت بلاسی اوقدر کوکشمش ایدی که بو سلاحلر بیلله کافی اولامادی . عصیت باشی قالدیرمه یه هر دایما مهیا ایدی . کندیسى ایچون مساعد هیچ بر فرستی کچیرمدی .

از جمله مثلاً حضرت رسول اکرمك وقاتی مناسبتی ایله شو بلیه نك ایکی سورتده بیکدن تظاهر ایتدیکنی کورییوروز : حضرت رسولك وجود مبارکری میدانده ایکن بیلله سقیفه بنی ساعده مهاجرلر ایله انصار و یا خود تعبیر دیکرله مککیلر ایله مدینه لیلر آراسنه دوشمش نزاعلر وعین زمانده عربستانك مختلف نقطه لرنده متنبی لرك ، ارتدادلرك ظهوری ایکی عصیتك ، قیلهر و حنك یکی وحدت ملیه جریانه قارشى ظهورندن باشقه برشی دکلدی : ذات حضرت رسالتناهی بو یکی جریانك ، یکی روحك و وحدت ملیه نك ممثل ذی حیاتی ایدی . آنك وقاتی اسکی تمایلات و حیاتیاتك افاده ایدیلله بیلیمسی امیدنی تولید ایتدی . فقط اسلامیتك باشنده حضرت محمد (ع.م) ك روحی ایله روحانمش ، بتون ایمانلری ، قلب و دماغلری ایله عین ظاییه صاریلش عزیمکار ، مقتدر ، دهات بولتیوردی : حضرت ابی بکرک ، فاروق اعظمك سریع و عزیمکار ، تدبیرلری ایله عصیت بیلاننك باشی بیکدن ازلدی . یکی دن کرک تلقینات و کرک قوت سایه سنده عرب وحدت ملیه سی تأمین اولندی و بیکلرجه سنه لر دن بری ادخار قوت ایتمش اولان عرب دهای ملیسی وجدان ملینك سوق و تحریرکی ایله دنیانك براوجندن او بر اوجنه قدر پاییلدی ! حضرت فاروق اعظم زماننده — که عرب وحدت

مليه سنك اك يوكسك زمانيدر - فتوحات اسلاميه بو كونكى اسلام طملك همان
 حدودى بولدى !! فقط عصبيت اژدرهاسنك جانى آلمانمىدى . عرب حياتك
 مختفى كوشه لرند صاقلاندرق ظهور ايتك ايچون فرصت آرييوردي . حضرت
 عثمان زمانده اسلامار ايچنه سوقولان نفاق ، بنى اميه و بنى هاشم غوغالري ، او
 اژدرهاسنك يكي دن ظهورى آتارندندر . اسكى اسرائيلك يكي وباسقه برشكى
 و صورتده رجعت ايدىيوردي ! مع التاف حضرت ذى النورينده شو عصبيت
 اژدرهاسنى ازك ايچون فاروق اعظمده اولدينى قدر نه قوت قلب ، نه تدابير
 مصيبه بوليوروز . بوندن طولايى كسب قوت ايدن اسكى عصبيت تماماً احيا
 ايدىيور ، يكي روح واساسله پنجه لشمه يه قويوليور . آرتق وحدت مليه بوزولمش ،
 عرب قوميتى عصبيت سائق ايله بارچه لاشمش ، انتظام آهنگ يرينه عظيم ، نجيع
 قاتلى بر آتارشى ، بر هرج و مرج دورى قائم اولمشدر . شويله جه بوزولمش
 اولان عرب وحدت مليه سى اسلام تاريخك نكدر قاتلى و آليم صحيفه لرني
 و جرده كتيردي ! حضرت عثمانك شهادتى ، جل صفين ، نهروان محاربه لرني ،
 حضرت علينك شهادتى ، عشره مبشره رجالتدن بعضى لرنيك يكدىكرلرني
 تحقير و تهديد ايتمه لرني ، آل عبانك كربلا ديارنده صومرز و كفنسز كيسلمه لرني ،
 عترة رسولك چيلاق دوه لر اوزرنده سوقاق و بازار طولاشديرلمه لرني
 هپ اورجوع ايتمش اولان عصبيتك تجلياتندن ايدى ! اولن ، اولدورن ، تحقير
 اولنان ، تكفير و تلعين ايديلن - هپ مسلمان ايدى ، هپ عرب ايدى !
 و حتى اسلاميتك باشنده بولمش ، وقى ايله اسلاميته يك بيوك خدمتلىر ابراز
 ايتمش اولان ذواتدى ! لكن مفكوره ده كيشمشمىدى ! وحدت قوميه و مليه
 يرينه ، عصبيت قديمه ، وجدان ملي يرينه قيله ، عشيرت وجدانى قائم اولمشدى !
 قىلبر و دماغلر اوزرينه حاكم اولان سائق - عربلق ده كل - بنى فلان
 و بنى فلان مفكوره سى در !!

في الحقيقة، بو بنى فلانلرده اسلاميت ايچون چالشدقلىرى ايلرى سورييور -
 لردى و اعمارنده صميمي و صادق ايديلر . لکن سائق و مؤثر عربلق اوليوب
 قيله اولدينى ايچون - مساعيلرى ايشته يوقايدده عرض ايتديكمز قاتلى

حیفه‌لری تولید ایدن - نارشیه منجر اولیوردی ! واقعاً کرک نی امیه و کرک آل عباس کندیلمی اوموقع بلند خلافت کتورمش اولان عصیت قارشى جیقمق لزومى بالاخره حسن ایندیلم . و حتی بو یولده اک شدید تدایره بیله مراجعت ایله دیلم . حجاج ابن یوسفار، زیاد بن امیهلر بو امنیتک حصولی ایچون کعبه معظمه بی منجغه طومقن، مدینه منوره بی یغما ایتدیرمکدن، رجوق احباب کرامی قتل ایتدیرمکدن، زندانلرده جور و تمکدن بیله توقی ایله مه دیلم . لکن پیوده یزه بونلر کندیلمی موقع اقباله کتورمش اولان اساس قارشى مجاهده ایتدکلرندن مساعیلری ثمره دار اولمادی ! هرج و مرج و آشوشی کیتدکجه نژاید ایتدی وبالاخره عرب حاکمیتته نهایت ویردی ! بتون مؤرخلرک شهادتی ایله ثابت درکه حتی حدود اوزرنده مجاهده ایدن عربلر بیله - بو عصیت بلاسنی اورایه قدر سندیلمی ایله برابر طاشیوردیلر . بر قیله یه منسوب فرقه افرادی دیگر قیله افرادی چکه میوردی، آنکله قاریشه میوردی، اوکا منسوب ذاتک قومانداسنه تحمل ایده میوردی !! مورخین اسلامیه آراسنده اصابت فکریه سی، نفوذ رشى و قوت معلوماتی ایله تمیز ایتمش اولان ابن خلدون - او مشهور «مقدمه» سنده بو عصیت بلاسنک عرب و اسلام مقدراتی اوزرنده اجرا ایتمش اولدینی نتایج الیمه بی اوزون اوزادی یه تدقیق و مطالعه ایله مشدر . بدیهی و آشکار درکه عربلر اسلامیتک هرشیدن اول تأسیس و تأمین ایتک ایسته مش اولدینی او وحدت ملیه، او قومیت مفکوره سینه صادق قلمش اولسه یدیلر تاریخ اسلام تماماً باشقه بر وادیده جریان ایتمش بولنوردی .

ظن ایدیورز که انکاری غیر قابل اولان وقایع تاریخیه نک تحلیلندن استخراج ایتدیگمز شو نتایجی نعم بک افندی جرح ورده قالدشمیه جقدر . مسئله غایت واضحدر . مسلمان عربلر وحدت ملیه اساسلرینه صادق قالدقچه آرارنده عظیم برآهنک، بر انتظام بر دوام اولقله برابر دهای ملی نک اک یوکسک و اک واسع تظاهراته نائل اولدیلم . فقط شو اساس بوزولور بوزولماز یه عین مسلمان عربلر، او دهانک فیض و برکتدن محروم قالمایه باشلابورلر . اسلامیتک اک برنجی تشینی شو وحدت ملیه اساسی تأمین ایلیه رک،

آنک سایه‌سند، فیض‌دار اولان عرب ده‌ای ملیسنی دین می‌نک اعلان‌سند
استخدام ایله‌مکدن عبارتدی . اسلامیت ابتدای امرده شو مقصدینه نائل
اوله‌رق خارقه‌لر کوستردی . فقط بالاخره دشمن جانی اولان عصیتینه
کندیسنه غلبه چاله‌رق وحدت ملیه فیوضاتندن محروم ایتدیردی .

نعیم بک افندی نك کندی فکرلرینی تأیید مقصدی ایله ذکر ایتدیکی آیت
وحدیشلر بزجه او فکرک تماماً خلافی اثبات ایدیور . یوقاریده‌ده عرض
ایتدیکمز کبی مذکور حدیث و آیتلر آراسنده ذم ونهی افاده ایدنلرک هیچ
بریسنده « قوم » کلمه‌سی قوللانیلمامشدر . قوم یرینه عصیتدن بحث اولیور .
نعیم بک افندی شوایی کلمه‌نی قاریشدیرمق ایسته‌مش ایسه‌ده اسلامیتجه بیله
آرالرنده‌کی عظیم فرقلر آشکار ایکن بونک فاحش برخطادن عبارت اولیور
بدیهی‌در . ذکر ایتدیکی و « قوم » کلمه‌سی محتوی بولسان دیگر احادیث
و آیاتده ایسه - ذم ونهیدن اثر بیله یوقدر . بونلرده بالکیز اسلام اقوامی
آراسنده عصیت و خصوصتک جابگیر اولمه‌سی ، اسلاملرک براخوت دینه ایله
یکدیگرلرینه مربوط اولدینی ذکر و امر اولیور . لاکن هیچ بریسنده
اسلامیتده قومیت و ملیت یوقدر دینلیور . بالکس مذکور احادیث و آیات
بو قومیتلری ذکر ایتمکله بیله آنلرک موجودیتلرینی ، حق حیاتلرینی اعتراف
ایتمش اولیور . ذاتاً باشقه سورتده اولامازدی . دین مین اسلام طبعیت انیا
خلافنده حرکت ایتمه‌مشدر . طبیعتده بونجه مختلف قوملرک ، لسانلرک
موجودیتی البته برکلمه‌یه مستنددر . بوکا فارشی اسلامیت چیصامشدر و چیقما-
مزدی . تحت تابعیت اسلامیتده داخل اولمش بولنان غیر مسلمانلر حقنده شرع
شریفک احکامی معلومدر . بونلرک نه دینلرینه ، نه لسانلرینه ، نه سائر
خصوصیات قومیه‌لرینه تجاوز جائز دکلددر . اسلامیتی قبول ایتمش اولانلر
کانه‌جه بونلر حقنده اولکیلردن ده‌اشدید بر معامله ایتک البته شارع مقدسک
خاطر و خیالنه بیله کله‌مزدی . بونلر اسلامیتی قبول ایتمکله کندیلری ایله عربلر
وسائر مسلمانلر آراسنده بر اشتراک وجدان ، بر رابطه مضویه ، بر اخوت دینه
ذاتاً حصوله کلشدر . بر رابطه‌یی تشدید ایله‌مک ، آنی اخلاص ایدمک هیچ

برفعل وحر كتمه بولنماق ... او وجدانك ذاتاً مقتضياتنددر . فقط اسلامي قبول ايدنلرك عين زمانده قوميتلرندن ، لسانلرندن و سائر خصوصيات مائه لرندن واز كچه جكلى حقنده شرع شريفده هيچ برامريوقدر . مثلاً هيچ برآيت ، حديث وروايتده فارسيلر فارسى لسانندن ، فارسى طرز تفكرندن ، طرز معيشتدن توركلر تورك لسانندن ، تورك طرز تفكرندن ، تورك طرز معيشتدن ، واز كچه جكلى ديه بر اشارت موجود دكلدر . وار ايسه محترم نعيم بك كوسترسونلر ! حالبوكه يوقارنده ايضاح ايتديكمز اوزره لسان - طرز تفكر ، طرز تحسس و معيشت - قوميتك مهم اساسلرنددر ! اسلاميت اسلاملرندن ، صادق و اخوت اسلاميه مربوط قالمه لرني طلب ايدر : فقط كندى قوميتلرندن ، كندى خصوصيات ذاتيه لرندن واز كچه يي هيچ بر زمان طلب ايتمه مشدر و ايدمه مزدى . چونكه بويلا بر طلب طبيعتك خلافتده اولديغى ايچون تكليل - ملا يطاق اولوردى !

بوراده بز نعيم بك افنديك ايكنجى اساس نقطه سنه تماس ايدىيورز . مشاراليه دىيوركه : مادامكه اخوت اسلاميه رعايت وظيفه در - قوميت فكر وحسى شو وظيفه نك خلافى و عكسى در . چونكه اقوام اسلاميه آراسنه اختلاف صاليور ، مسلماني بكدىكردن آييريور ، وحدت اسلاميه بوزيليور ! غريبي شودر كه محترم معترضمز شوفكريني اثبات ايچون - حيات ووقايه مراجعت ايدرك استشهاداتده بولنق يرينه - ينه حديثلره وروايتلره ، آيتلره مراجعت ايدىيور . اتحاد و اتفاق ، اخوت و يگانه لى امر و توصيه ايدن آيتلرى ، حديثلرى ذكر ايدرك قوميتك شرعاً و اسلاميته منع اولمديغنه حكيم ويرييور . اكثر آيتلرك ، حديثلرك بويلا غندى ، كيفى تفسيرلره تحملى اولسيدي ، حياتك چوق شوناتى هر هانكي برآيته ربط ايدرك غريب غريب استخراچانده بولنق يك سهيل اولوردى . مثلاً دينيله بيليردى كه : هاى مسلمانيلر ، نكين اولميكز ! چونكه تروتلريكز - اخوان ديسكزك حسدى جلب ايدميهلر جكندن - آرا كزه نفاق دوشر . حالبوكه دينر اخوتى ، مساواتى امر ايشددر !! اى مسلمانيلر عالم اولميكز ، كيديككز . يدكككز ايچديككز شيلر آراسنده فرق اولماين . چونكه ينه

حسدی جلب ایدر ، نفاقه سبب اولور!! خلاصه اخوت اسلامیہ نامہ هرشی
سویلنیلہ بیلیر !!

محترم معارضمیز قوردینی قضیه ده منطق نتیجه لره وارمق ایچون بزماولا
قومیت جریانلرینک ظهورینه قدر بتون اقوام و افراد اسلامیہ آراسنده براخوت
نامہ نك موجود اولدیغنی و بعمده مذکور جریانلرک ظهورندن سوکره شو اخوتک
مبدل نفاق اولدیغنی اثبات ایتمه لیدی . وایشه بزده اوزمان کنیدیسی ایله برابر:
« حقیقه قومیت جریانلری اسلاملر آراسنه نفاق القا ایتدی . بوايه اخوت
اسلامیه یه مغایردر . بناء علیه یالکز شرعاً دکل وجداناً و عرفاً مذموم در ،
دیردک !

حالبوکه محترم نعیم بک ایشته شو نقطه یی اثبات ایدمیز و بناء علیه بتون
قضیه لری مجروح و سقیم در ! کنیدی لری ده بک اعلا بیلورلرکه اخوت اسلامیہ
برغایه امل ، بر مفکوره در . بوغایه املک ساحه حیاته تجلیات فعلیه سی بک
محدود و یالکز بر ذهنیتک تشکلندن عبارت قالمشدر . بو ذهنیت ده بالخاصه
اسلامدن باشقه عالمه طائد مسائلده تظاهر ایدر . مثلاً بر مسلمان تقدیرنک پرست
اولسه ، مراکشک فرانسزلر طرفندن استیلاسی کوردکده ایستهر ایسته مز
ایچندن متأثر اولور ، تأسف ایدر . لکن فرنکلره قارشى بیله شو ذهنیت بر چین
مسلمانی مثلاً مراکشى مدافعه ایتک ایچون سوق ایدم بک درجه ده دکلدر .
مسلمانلرک کنیدی لری نه کلنجه حیاتک جلوه لری و مقتضیاتی قارشیندم . شو ذهنیت
بک ضعیف ، بک عقیم قالمشدر ! حضرت عثمانی شهید ایدن سلیمان ظن ایدیورزکه
اخوت اسلامیہ حقنده کی آیات و حدیثلری بزدن دها ایی بیلیرلردی . کذا
یوز بیکلرجه اسلام قاننک دو کوله سنه سبب اولان ، جل ، صفین ، نهروان ،
کربلا محاربه لرینک باشنده بولنان حضرت عایشه ، طلحه ، زبیر ، مصاویه ،
عمر و بن عاص و سائر رؤسای اسلام حقایق اسلامیہ یه البته
بزلردن بک زیاده واقف ایدی لر . و اوکونلردن بوکونه قدر بوتون اسلام
حکومتلری ، قوملری بر برلری ایله جاریشه جاریشه کلشدر ! هانکی اسلام
حکومتی و قومی واردر که دیگر بر اسلام حکومتی و قومی ایله محاربه ایتمه مش

اولسون ! مفكوره ، غايه ، امل باشقه شى در ، حيات باشقه ! .. حياتك مقتضياتى قارشيسنده مفكوره لر ، املار زبون قاليورلر .

بناء عليه اخوت اسلاميه يي قوميت جريانلرى اخلاص ايديور ديمك دوغرو اولاماز . بالعكس حقيقى مليت جريانلرينك ، اخوت اسلاميه نك تقويه ، و اتشدیدی ، و عملی بر شکل کسب ایتهمسى ایچون غایت مهم بر حامل اولاجنه بتون ایمانمزله قناعتنر واردر .

و فی الحقیقه : اولجه ده ذکر ایتمش اولدیغمز تعریف موجب نهجه قومیت ، ملیت Nation عین طرزده حس ایدن کنلویه دنیلیر . مشترک قومی احساساتك اك مؤثر عاملی و منبعی ایسه . ینه عرض ایتمش اولدیغمز وجه ایله لسان ایله دیندر . و بو ماهیت بشریه نك اك مهم و اك اساسی نقطه لرینه تماس ایتدیکی ایچون . حيات بشرك شكل و صورتی احساسات بشریه نك تولد و تكوینی اوزرینه يك عظیم تأثیرات اجرا ایدر . ایسته بونك ایچوندر كه اليوم بیله کره ارضده موجود انسانلر طرز معیشت ، اصول حيات خلاصه مدنیت اعتباریله اوچ قسمه تقسیم اوانه بیلیر : اسلام ، خریستیان ، و بوددا . قوفیسیوس مدنیق ! شو اوچ عالمی یکدیگرندن آیران ، اولرله احتوا ایتدکلری اقوام آراسنده کی عرق لسان و درجه عرفان فرقلرینه رغماً برر شخصیت مخصوصه بخش ایدن حامل البته دیندر . بر فراتمنر کندیسنه فقدر دینسز درسه دیسون ، فقدر خریستیانلقدمن آیرلق ایسترسه ایسته سین ، ینه خریستیانلقدمن متأردر ، ینه خریستیانلق او ایکی بیك سنه لك حاکیتی ، تأثیراتی ، ایزلری ایله آنك اوزرینه اجرای تأثیر ایدر ! بتون حیاتی احاطه ایلر . دیمك كه قومیت ، ملیت مسلکنی التزام ایتمش اولان هر هانکی بر ذات قومیتك صورت شکل و تكوینی اوزرینه بونجه عظیم تأثیرات اجرا ایدن بر عاملی نظر دفته آلمو مجبوریتنده در . بدیهی در كه یو حامل فقدر زیاده مؤثر ، فعال ، فیضناك ، برکت دار اولورسه . عین نسبتیه قومیت تکامل ، تعالی ایتمش اولور . عین درجه ده قومیت انبساط بولور . دیمك كه قومیت مسلکنی التزام ایتمش اولانلر ایچون . ایستر ایسته منر شو حامل التزام ایدر ك آنی ممکن مرتبه فعال ، مؤثر ، فیضناك ، و برکتدار ایتدیرمك مسلکك وظائف و تکالیفی جمله سندندر !!

اسلامیت تورکک دینی در . دین ملیسیدر ، قومیسیدر . تورک اسلامیتی
 جبرآء محکوم ، مغلوب اولارق دکل ، حاکم ، غالب اولارق قبول ایتمشدر .
 بیک سنه دنبری در که اسلامیتک الک آغیر یوکلرینی اوموزینه آلارق طاشیمقدمه در .
 اسلامیت یولنده تورک هر شیئی اونوتمشدر . لسانی ، ادبیاتی ، اقتصادیاتی
 وحتى بعضاً موجودیت قومیه سنی بیله ! تورکی مشیت ازیله آلطای طاغلرندن
 قالدیرم رق اسلامیتک الک فلاکتلی کونلرند و طریقته الهیه تک امدادینه سوق
 ایله مشدر ! وطن ایدیوروز که تورک شو وظیفه سنی بلغ مابلغ ایفا ایتمشدر !
 اسلام و اسلامیت قارشیسنده آلتی آچیق بائی یوکسکدر ! بز بوسوزلری
 سویلرکن بزه مفاخره ایدیورسکزدییه اعتراض اولنیور . فقط دیکر طرفدن
 بز بوسوزلری سویله مک عین معترضلر اجبار ایدیورلر ! زیرا تورکچیلر
 قبل الاسلام تورک تاریخندن ، تورک حیاتندن بحث ایتمه قویله یقلری زمان ،
 معترضلر ، « اسکی تورک دینی اولان شامانیزمه عودت ایدیورلر ! » دییه باغیرمه یه
 باشلایورلر . بوکی اسنادات الک منفور افترا لردندر . بر تورکچی نصل شامانیزمه
 عودت ایتک ایسترکه - تورک تاریختک الک شانلی صحیفه لری اسلامیت بولده ایشار
 ایتدیکی قانندن تشکل ایتمشدر . بر تورکچی نصل اسکی به رجعت ایله مک ایسترکه
 ایوم بیله اسلامیت حوضه مدنیته دائرهمسند بولان تورک افوامی آراسنده در که
 لسان ، حییات ، طرز معیشت یعنی قومیتک الک متین اساسلری اعتباریه وحدت
 قومیه محافظه ایدلمشدر . تورککک حسی ، تورککک آفاری یالکز شو حوضه
 مدینتده ساکن و او مدینتک سایه سنده باقی قالمشدر . متباقیسی بزدن او قدر
 اوزاقلاشمشدر که آرامزده برقرابت بولمق ایچون علم مقایسه السنه تک الک درین
 تحلیللتنه مراجعت ایتک لازم کلیر . بناء علیه بتون بو تاریخی و حیاتی مطالعاته
 استناء آدر که تورکچیلر اسلامیتی - بر دین ملی ، بر دین قومی عد ایدیورلر .
 سویله که ایوم بیله توران عرقه منسوب هر هانکی بر فرد اسلامیتی قبول ایتدیکی
 آنده تورککک ایچون قازانلش عد اولنه بیلیر . عکسی حالده ، تورکککدن
 آیرلمشدر . امرء القیسدن ، عاد و نموددن ، هبل لات و مناطدن بحث ایدن

بر عرب تقدیر بت پرستلکه عودت ایدیورسه، اوغوز خاندن، جنکیزدن،
تکریدن و پریلردن بحث ایدن بر تورک شامانیزمه اونسبتده عودت ایدر!
ایشته وجدان ملینک، اساسات قومیه نك اك متین زمیننی تشکیل ایدن
اسلامیتك اعتلا، انبساط، تکاملی حقیقی و کندی بیلیر بر قومیت اولدیغنی بحق
تقدیر ایدن بر تورکچی ایچون اك یوکسک ظایه امللردن بریسی در! و تورکچیلرک
بوکونکی اک مهم مساعیلرندن بریسنی ده شوغایه تشکیل ایدیور. بونقطه حقنده
تعقیب ایتدکلری مسلکه عائد مرد ایدم جکمز بیانات صیرم سنده مفصلاً ایضاح ایدم
بولنه جغمز دن شم دیلک یالکمز بونکله اکتفا ایدیورز که اسلامیت تقدیر انبساط
بولورسه، تقدیر یوکسلیرسه، تقدیر تعالی ایدرسه - تورککلک ده اونسبتده
انبساط بولاجغنه تعالی ایدم جکنه تورکچیلر قانع درلر. محترم نعیم بکدن
صورارز: بوکونکی تورککلرک بیکده قاجی حقایق اسلامیه واقفدر؟ بیکده
قاجی او اخوت اسلامیه حقنده کی او امر و احکامی بحق ادراک ایتمشدر؟
دکل یالکمز تورکلر، عربلر، کوردلر، هندولر، آراسنده قاجی ادراک
ایتمشدر؟ ایوم بوکی جه الت ایچمه بوغولان شو افرادی بر برینه قارشی
چیقارمق ایچون، تورکی تورکله، عربی عربله، و یاخود بونلری یکدیگری
ایله پنجه لشدیرمک ایچون پک چوق زحمتلره احتیاج وارمیدر؟ حالبوکه آشاغیده
ایضاح ایدم جکمز وجه ایله تورکچیلرک اساس وظائفندن بریسی ده اسلامیتك
احتوا ایتدیکی او یوکسک، فیض نك، برکتدار احکامی، او امری برر برر
سنه لرك تراکم ایتمش اولدیغنی خرافات آلتندن چیقاراراق تورک قومنك قاب
ودماغنه سوقاقدن عبارتدر. قومیتجیلکک شرائط اساسیه سندن بریسی ده -
وجدان ملی بی شعوری برحاله کتیرمکدر. وجدان ملینك ده اساساتندن بریسی
اسلامیت در. کاشکه بو حرکت، بو جریان قاج بطن اول - بتون اسلام
اقوامی آراسنده باشلامش اولسیدی! هرکس کندی طائیش بولنسیدی!
امین اولکمز که او زمان آرناوودلنی بوکونکی مصیبتلره، فلاکتلره صوقه ییله
جک هیچ بر قوت بولنه مزدی!

دیلمک که قومیت جریانی ماهیت اعتباری ایله انوام اسلامیه آراسنه نفاق

واختلاف ایقاع ایدم بیله جک هیچ بر اساسی احتوا ایچمور. بالعکس قومیت جریانی
- بتون اقوام اسلامیه نك مشترك بولند قلمری عین دینك اعتلاسی اوزرندم
یورودیکی ایچون - اخوت اسلامیه نك حقیقی و فعلی بر صورتده تأسیسی ایچون
اك مهم واك اساسلی عامللرندن بریسی در. بونی بویله تلقی ایتمه لیدر و عندی
تأویلاتله اذهان عوامی تدھیش ایتدیرمه یه قالمه ملیدر.

پیشہ دی

احمد آغا یاف

تاریخ ۱۰ آذر عشقہ

قیصریلی محمد عزت پاشا

فضلائی عسکر به دن متفنن بر ذات اولوب (۱۲۵۸) تاریخندم (قیصری)
کویلرندن طاوولوسون کویندم علمادن آتش زادم محمد افندی اوغلو اسماعیل
افندی صلبندن دنیا یه کلدی. یاشی تحصیل چاغنه کلدیکی زمان دهمده سی محمد
افندیدن قرآن کریمی تعلم و حفظ ایتدی. (۱۲۷۳) سنهمده باهاسیله استابوله
کلوب قید اولوندینی بایزیدر شدیه سنهمده تحصیلنی بتیرد کدن صکره اعدادی عسکری یه
وبعدم مکتب حربیه به کچمک (۱۲۸۴) تاریخندم ارکان حرب بوزباشی یافیه
نشأت ایله یوب ارضروم استحکاماتی انشآت قومیسوننه تعیین اولندی. بو
قومیسون وظائفیه یدی سنهم اشتغال ایدمک درسیم - دیاربکر، ارضروم -
قارص، قارص - اردهان، اردهان - باطوم یوللرینک کشفندم و ارضروم - طرزون
یولی انشا آتندم بولوندی. (۱۲۹۳) سنهمی (قاراداغ)، متعقباً یانیه جهتمده
و (۱۳۰۱) ده آلاصونیه ده تمشید اولونان اردونک برنجی رجب پاشا فرقه سی
ارکان حربیه سی ریاستندم ایفای وظائف ایلهدی. (۱۳۰۹) ده میروالف ترفیع
ایدلمک حربیه نظارتی انشآت دائرهم سنهم مأمور ایدلدی. بوداژهمده ایفای خدمت
ایتمکده ایکن عارضه وجودیه سی طولانی یافیه (۱۳۲۵) تاریخندم تقاعد سوق